

三撫捷功奏疏撫浙下



撫浙奏疏目錄

恭報台汛官兵擊賊獲捷

塘報



塘報

塘報

恭報滿漢官兵合師奮勦逆賊潰敗奔逃

恭報投誠偽帥

塘報



塘報

欽差巡撫浙江等處地方提督軍務都察院右副
都御史臣佟國器謹

題爲恭報台汛官兵擊賊獲捷仰慰

睿懷事順治拾陸年參月拾肆日准提督田雄塘
報爲官兵血戰夾擊大獲全勝事內開案於
參月初壹日據黃巖西鄉鄉練都司僉書葛
立程報稱本月初壹日卯時據探聽鄉兵報
稱前月貳拾玖日參拾日內有大鯨約計數

百餘號到樂清水漲亭頭湖霧白溪等處隔岸懸山點兵洗砲聲言要犯太平黃巖沙頭北畧等情到督據此該本提督隨即申飭援勦太平駐紮新河副將張德俊台州署事遊擊高友諒整頓兵馬嚴加隄備遇有警息一面奮勇堵勦一面飛報本提督以憑會同台鎮張總兵台兵道楊僉事發兵接濟又行台協副將于國柱添發官兵前去與張副將等

官兵協力夾擊在案隨于叁月初柒日據副將張德俊署事遊擊高友諒報稱本月初伍日戌時據台協標防守澤庫把總包萬京報稱本月初伍日據偵探兵丁王三報稱賊三營陳文達阮六萬賊自湖霧初肆日點兵今日到大溪一路分往翁畧過三坑一路分船水路而來等情據此卽差中營千總馮龍山東標把總魏聖忠帶領撥馬飛往遠探職等

一面整搦兵馬準備堵剿至初陸日卯時續據馮龍等差撥兵孫四陳台飛報有逆賊數千由樂清白溪一帶而來已到澤庫等處職等隨令台協駐防把總趙文志專城千總章仕遴固守新河城池即便統領山東營中軍守備張秉璞把總史尚德隨征守備張希堯領旗官席承芳朱懷瑾李有德龐奉龍馬河圖南國紀原任把總王國棟鎮標把總劉天

貞李尚義効用千總朱可成把總方得功胡科百總朱國相郭成功台協把總徐輝蔣世耀等馬步官兵飛馳撲剿所過村庄但見男婦紛紛逃避聲言賊犯太平職等于辰時直抵澤庫地方布陣迎敵賊知我兵突至一股山後埋伏三股分投出戰各執籐牌大刀明盔鐵甲擂鼓吶喊職等酌議隨令中軍千把等官帶領兵馬迎面對敵職等二人分左右

夾攻衝進賊營逆賊大敗我兵直追貳拾餘里其刀砍箭傷及烏鎗打死者柒百有餘落水渰死者不計其數生擒活賊壹百貳拾叁名內有重傷者就地斬訖當陣斬渠魁僞都督高伏卿僞李副總兵職等從辰時戰至申時奮勇追擊仰仗

天威大獲全勝卽便收軍回營隨查官兵保全內有輕重傷兵容查明另報所有陣獲盔甲器

械砲火等項併活賊呈驗計解僞副將貳員蘇國紳蔡應龍全髮活賊馬起班等伍拾名鐵盔陸拾玖頂鐵甲肆拾捌副藤牌共玖拾面銅佛狼機肆位烏鎗玖門弓肆張長鎗陸拾桿斬馬刀玖把腰刀肆拾把大小高照旂幟貳拾捌面鋼叉拾陸把棉甲壹百叁拾肆副棉盔壹百叁拾玖頂叁眼鎗壹桿號頭壹枝戰鼓伍面等情到本提督據此隨該本提

督將解到賊犯押赴會議府會同台鎮張杰
台道楊僉事及府廳等官會審得偽副將蘇
國紳蔡應龍各口供俱係偽掛印都督陳文
達下將官因探太平新河防兵單薄隨點選
賊兵叁千有餘令偽總統高泰偽總兵羅漢
統領前來新河乘隙攻城打仗不意官兵預
有偵備當被分兩路衝殺賊衆潰散偽總統
高泰偽總兵羅漢俱被官兵當陣斬訖小的

二人被擒賊兵被殺併跳水渰死過半又供
偽國姓現在溫州佔踞磐石賊兵是國姓親
標姓林的統領日夜打造雲梯聲言要攻溫
州等語審據各賊俱係全髮真賊人衆不便
遠解遂會同駢首示衆止留偽副將蘇國紳
蔡應龍解赴部院憲審逆謀情形外其所獲
鐵盔甲選有堪用肆拾肆頂副選有堪用棉
甲壹百貳拾件當交山東營中軍守備張秉

璞帶回分發本營兵丁征勦應用銅佛狼機
四位台鎮留營應用其餘鐵盔甲棉帽棉甲
斬馬刀鋼叉三眼鎗腰刀鎗弓號頭驗俱不
堪分賞有功官兵籐牌烏鎗交發台鎮中軍
遊擊傅長春留爲台郡城守應用其旂幟俱
行焚燬訖爲照逆寇陳文達盤踞懸山窺伺
太平新河兵馬單薄遂點賊兵叁千有餘督
令僞總統高泰等前來攻城幸爲鄉練葛立

程預爲探報本提督會同台鎮申飭汛防各
將預爲防備以待今官兵果能奮勇用命斬
馘獻俘獲械之捷此皆仰仗貴撫院指授方
略所致應請貴撫院核功具

題以鼓將士用命于將來耳除將解功守備張
秉璞把總劉天貞各會賞蟒段銀牌押解兵
丁各賞花紅至于副將張德俊署事遊擊高
友諒頒發銀花蟒段前去賞賚以示激勸外

擬合塘報等因到臣同日又據台州兵巡道
僉事楊三辰塘報前事內同前因據此該臣
看得海逆作祟屢犯浙汛迄今尚盤踞溫之
磐石樂清二城臣自入境後日據塘報瞭見
外洋賊艘或千餘隻或數百隻自南而北行
使此實賊之狡計陽守磐石樂清二城欲致
我全省之兵力以注之于溫郡而賊實分其
兵乘隣郡之單虛而入犯也况仲春以後南

風漸勁臣申飭溫州以北各汛嚴行偵探整
棚以待去後今准提督臣田雄塘報稱逆賊
于參月初陸日三犯太平預撥官兵直趨澤
庫地方布陣迎敵賊分三股出戰我以兩路
夾擊當陣獲斬渠魁高伏卿等併賊衆柴百
有餘俘擒活賊壹百貳拾叁名併獲鐵盔甲
棉盔甲銅佛狼機藤牌鳥鎗弓刀等械共陸
皇土百伍拾餘件賊膽已寒兵威丕振皆仰仗我

皇上天威遠震之所致也督臣趙國祚經營周密
提督臣田雄調度精明台鎮臣張杰布置得
宜台兵道僉事楊三辰整飭罔懈其將領千
把等官張德俊等奮勇衝擊用命爭先所當
敘錄以示鼓勵而臣以視事伊始籌策甫施
何敢貪行間之力以爲功除擒獲活賊已經
鎮道先行正法外其僞副將蘇國紳蔡應龍
解赴督臣親審題

報所獲器械揀選留營備用既經塘報前來臣
謹會同督臣趙國祚昂邦章京臣柯魁按臣
牟雲龍合詞具

題伏乞

勅部查議施行

順治拾陸年叁月拾柒日具

題

題

題為塘報事順治拾陸年閏叁月初拾日准提

督田雄塘報內開叁月貳拾玖日酉時准台

鎮張杰塘報內開案據報稱逆船千餘停泊

溫嶺太平江下一帶窺犯太平縣等處先經

會發提鎮標各官兵蕭啓榮等遇警協力撲

勦去後又恐賊衆兵單緩急接應不迭復經

會商本提督隨該本鎮親統提標署遊擊事

劉成虎聽用將官魏三錫等本鎮標署右營

遊擊事李朝榮內標聽用將官司友功等官
兵于叁月拾伍日自台州府起行于貳拾陸
日巳刻到溫嶺隨據探撥將官鞏如磐李尚
志等回稱海逆千餘在岸運米港內及口外
瞭有大小賊船柒拾餘號旋泊等情據此該
本鎮卽將兵馬埋伏樹林等候潮落水枯分
兵兩路一由江南一由江北而進正遇逆賊
在岸裝米下船潮退船攔賊見官兵遂號召

賊衆迎頭對敵我兵兩岸夾攻奮勇衝殺賊
被弓箭鳥鎗火砲打死叁百餘人當陣活擒
貳拾柒名得獲腰刀壹百貳拾伍把長鎗壹
百伍拾叁桿高照旗伍桿大旗捌桿賊見官
兵勢勇遂披靡奔船官兵兩岸掩殺賊爬船
不及落水死者不計仍急令官兵卸衣脫甲
乘勢殺入泥塗用弓箭鳥鎗射打一面划赴
深水直奔賊船賊見事勢危急站船不定先

將船中銃砲翻入水中卽帶盔甲跳水沉死
官兵分擁上船見滿船皆是糧米時溇潮長
船浮正令駕船攏岸無奈口外大船乘潮揚
帆前來救護官兵急用船內火藥發火連燒
賊大犁艚陸隻沙船貳隻雙篷舩叁隻三板
船陸隻在船軍火器械食米等項俱隨船燒
沒水中官兵仍復赴水登岸時值天晚收兵
扎營溫嶺賊船仍開往口外停泊當審活賊

口供俱是阮六陳文達船隻賊因傷重不堪
行走未便起解隨卽斬訖本鎮深慮逆賊乘
此南風倏忽北來黃巖郡城單薄可虞隨卽
統帶兵馬回至新河此一役也官兵探覓間
道出賊無備僇力夾勦由陸赴水焚燒大小
賊船壹拾柒隻此皆仰仗貴院威靈官兵用
命所致也當查兵馬重傷提標百總張仲禮
管隊袁友彙輕傷兵丁呂存心楊自名李必

佐金良懷騎征馬四匹重傷本鎮標鳥鎗兵
丁李成功陳和陳倉劉左吉又因山路崎嶇
窄狹逼臨深坑失足跌落坑中當斃本鎮標
官馬貳匹重傷官馬叁匹至于得獲刀鎗旗
幟查刀鎗分別賞給有功官兵以示鼓勵旗
幟當時焚燬外理合塘報同日又准台鎮張
杰塘報又據巡台道僉事楊三辰塘報相同
本月拾叁日又准提督田雄塘報內開閏叁

月初陸日申時據標下叅將署左營遊擊事
劉成虎鎮標都司署左營遊擊事高友諒叅
將署右營事李朝榮等報稱職等干叁月貳
拾玖日至湖霧據探兵報稱湖霧山灣有逆
賊貳百餘名見在搬運糧米及造船板片該
職等卽令各官目分兵兩股奮勇衝殺賊見
官兵迎頭來敵我兵用弓箭鳥鎗火砲合力
齊攻賊被射死砍殺百餘當陣活擒逆賊貳

拾壹名賊見官兵勢勇奔遁回船官兵乘勢
殺至水口見洋面有大小賊船伍陸拾號繫
滬船賊見官兵追殺岸賊遂駕小船貳拾餘
隻攏岸放砲吶喊前來救護官兵合力滄殺
逆賊潰亂奔船不迭滄死不計爭下三板逃
命踏沉三隻逆賊隨船沉沒官兵仍下岸用
弓箭鳥鎗射打船賊被傷不計隨卽開船遁
出口外停泊得獲三板陸隻藤牌五面長鎗

貳拾桿斬馬刀壹把鐵盔甲壹副棉甲伍副
百子砲壹門鳥鎗叁根三眼鎗貳桿腰刀貳
拾柒把高照旗伍桿所獲三板船陸隻因賊
大船旋泊當洋不便駕回舉火焚燬訖陣擒
逆賊內除重傷伍名不能行走就地斬訖當
查重傷鎮標聽用把總胡科左營馬兵柴桂
英騎唐合騮馬壹匹被賊戳傷軟脇倒斃今
將陣擒活賊俞照張初李堯范世隆周順所

潘山潘仁鄧佑張先張三張山張允張素張
茂姜盛姜壽等壹拾陸名并陣獲盛甲器械
等項已經解赴張總兵訖理合塘報等因據
此又准台鎮張杰塘報相同擬合塘報等因
同日又准據台鎮張杰巡台道僉事楊三辰
塘報相同各到臣准此該臣看得海逆盤踞
溫之磐樂二城見今總督臣趙國祚昂邦章
京臣柯魁親統滿洲烏金超哈暨標營直抵

磐石正在恢勦而台寧紹杭嘉各汛塘報皆
稱賊踪或數百號或數拾號自南往北揚帆
所到便圖登犯閏叁月初叁日辰巳二時海
寧尖山一帶放砲傳警直達省會臣與梅勒
臣夏景梅調度堵禦并飭沿海各道將加謹
防禦間惟是台郡沿海地面賊常登岸剽掠
搬運糧米肆行無忌臣嚴檄設計撲勦去後
茲准據提鎮道塘報鎮臣張杰親統官兵潛

行間道于叁月貳拾陸日馳至溫嶺指麾官
兵兩岸夾擊叅將劉成虎等復于叁月貳拾
玖日致湖霧山分兵兩股衝殺先後兩次陣
殺共賊衆肆百餘名活擒肆拾捌名得獲腰
刀長鎗盔甲鎗砲藤牌高照大旗共叁百陸
拾壹件焚燬大小賊船共貳拾叁隻併軍火
器械食米等項雖未大殲賊衆而逆賊旣經
連創亦見行間將士之用命也其恢勦馨樂

情形仍俟恢復蕩平之日另行馳

奏旣經塘報前來臣謹會同督臣趙國祚昂邦
章京臣柯魁按臣牟雲龍合詞具疏先行

題報仰慰

睿懷勅部查照施行

順治拾陸年閏叁月貳拾壹日具

題

題爲塘報事順治拾陸年閏叁月拾陸日准水
師總兵常進功塘報內稱閏叁月初貳日據
防守龍山千總王學思報稱有賊船壹艘往
北行使諒在臨山衛地方窺犯等情據此本
鎮卽會商兵道暨佟甲喇章京朱魯阿什兔
喇叭張麻郎等酌發道標中軍梁得功山西
營都司苗之秀李國棟本鎮標中軍屈大法
鎮左營遊擊呂士基定水左營遊擊王裕民

城守叅將孫廷相內標將官劉永勝守備吳
虎張豹王舉谷世傑楊自成羅景時羅景榮
常如琰盧彪王澤民光四海李景華內標千
總楊得勝中營署中軍守備王天祿鎮左右
二營中軍守備程鵬姜應龍定水左右二營
中軍守備侯韶光張陞署城守中軍守備苟
天麒千總陳國明中營把總張顯貞張友功
張進孝水師千把總李永吉李應元陳奇界

王國珍關倫陸奎劉堯裔徐應龍周夢熊杭
協千總丁應乾等每船派官貳員督駕犁艚
水艚沙船共叅拾隻令其星往後海北洋一
帶遠偵哨探擒勦賊船去後今於初肆日據
本標中軍屈大法內標將官劉永勝等報稱
奉令統領水陸各營官兵戰船出洋前往後
海遠瞭賊船壹艘乘風逐浪揚帆直至臨山
汛地正見賊船上岸劫掠見我官兵開砲攻

打飛奔上船賊等鼓勇官兵迎頭對敵中軍
屈大法同本鎮內標千總楊得勝守備谷世
傑楊自成署中軍守備事張陞把總關倫等
奮力砍殺船上賊將被我兵砲打淹水活擒
賊衆拾貳名餘賊赴水淹死得獲賊沙船貳
隻木關防壹顆偽牌號布器械等項賊見我
兵勢勇不能抵當駕船各自遠奔大洋職等
號令各船分頭追擊本鎮內標守備吳虎張

豹王舉署中軍守備事姜應龍等分頭追勦
賊船直至海鹽縣澉浦地方砍殺船上賊將
一名衆賊奔水活擒賊衆叁拾壹名內伍名
重傷隨斃訖得獲賊沙船壹隻偽石關防壹
顆偽將牌劄器械等項本鎮內標將官劉永
勝守備常如琰等督領官兵追勦賊船直至
金山衛地方奮力勦殺當獲賊沙船壹隻活
擒賊偽副將壹名高英賊衆拾肆名砍殺淹

水者不計得獲銅關防壹顆偽示號布器械
等項遊擊呂士基王裕民道標中軍梁得功
山西營都司苗之秀李國棟等剿殺賊船潰
敗督率官兵遍洋追擊直至羊山地方我船
乘風得勢當開大砲打中賊船復又打斃舵
工落水被我犁艚大船犁壞賊船貳隻賊衆
盡行沉溺覆水擊壞賊船壹隻飄散大洋壹
隻當卽焚燬訖合將所獲賊犯關防器械理

合解報等情到鎮該本鎮將獲到賊犯會同
海兵道暨佟甲喇章京并各牛录寧府廳縣
及副叅遊將文武等官會審據偽副將高英
供稱親弟在海有犁艚船壹隻沙船壹隻情
願招其納款投誠圖功自贖會商海兵道佟
甲喇章京暫留羈候以廣招徠若英兄弟撫
局不就仍將高英再爲解憲正法可也其賊
犯曹元等叁拾陸名審係爲賊日久一斬不

在俱經正法訖其周逢茂等拾陸名同係被
擄未久情可矜原業經會發該縣查照被擄
情形明白取結保釋其所獲鉄盔叁拾貳頂
綿甲伍拾壹件長鎗陸拾伍桿腰刀陸拾叁
把斬馬刀八把馬叉叁把弓拾陸張箭叁百
拾伍枝鳥鎗肆桿三眼鎗貳桿籐牌捌面威
遠砲貳位鐵紅衣砲壹位百子砲拾陸門俱
發營備用大旂柒面焚燬訖沙船肆隻發水

營管駕銅石木僞關防叁顆僞示牌票號布
共貳拾陸張移解查驗輕重傷官兵吳虎等
壹拾肆名擬合塘報等因拾捌日又據海道
副使李國棟塘報內同前因各到臣據此該
臣看得海逆乘船飄突處處窺伺屢據塘報
賊踪紛紛自南往北臣嚴檄台寧紹各汛官
兵晝夜隄備仍令水師駕船出洋遠偵確探
遇有賊踪邀殺截擊去後茲准據水鎮臣常

進功海道李國棟塘報閏叁月初貳日賊踪
謀犯臨山衛地方卽撥發官兵駕船叁拾隻
出洋殲勦遇賊追擊分頭截殺當陣活擒賊
衆伍拾捌名得獲賊沙船肆隻犁沉賊船叁
隻盛甲刀鎗銃砲弓箭籐牌大旗關防示牌
號布等項共陸百貳拾貳件枝則將士屈大
法等之僇力海洋雖未大殲賊衆亦徵用命
其僞副將高英旣稱情願招撫親弟投誠姑
一時緩歿俟招撫到日另行

題報請

旨定奪其餘賊衆俱經該鎮會同文武各官審明
分別正法保釋除原獲僞印僞示僞牌送部
查燬外旣經塘報前來臣謹會同督臣趙國
祚昂邦章京臣柯魁按臣牟雲龍合詞
題報伏乞

勅下該部查照施行

順治拾陸年閏參月廿壹日具

題

題爲塘報事順治拾陸年伍月初捌日未時准
水師總兵常進功塘報本月初肆日四更時
分賊船竟泊沿江大小道頭教場一帶登岸
攻擊本鎮當卽親督官兵分頭沿江一帶堵
勦城頭火砲齊發打壞賊船不計其數逆賊
受傷落水者不計砍殺賊衆壹百餘名活拏
賊犯叁名本鎮隨同各官研審據賊口供馬
信等計議定要攻取定海等語隨將陣擒逆

賊已經正法訖得獲器械查明彙報但大艚賊船被我官兵奮勇堵勦仍泊小港其江南賊兵照舊沿山扎營放砲攻打定城事在危急懇乞速發馬步官兵飛馳赴定應援等因又據巡視海道副使李國棟報同前由等因同日又准水師總兵常進功塘報五月初五日巳時從金塘開出大艚賊舡連檣接尾乘潮揚帆蜂擁進關江南賊衆明盔亮甲搖旗

放砲協力攻擊本鎮親督副叅遊都守各官率領馬步兵丁沿江撲勦賊船近岸者用百子砲烏鎗弓箭堵擊賊船遠使者開放大砲兩下對敵於巳時直至申時擊壞賊船不計大砲烏鎗打死沉水逆賊不計但狡逆船隻艤泊小港招寶山沿海一帶約有柴捌千號隨潮可以衝突而南岸之賊馬步拾數萬勢甚猖獗不時開放虹霓大砲緊對定城攻打

勢在危急請貴院速發大兵星馳赴定等因
該臣卽移覆水師鎮手本內開爲照逆賊大
隊窺犯寧定貴鎮親督官兵分頭堵勦打壞
賊船逆賊落水者不計砍殺賊衆壹百餘名
生擒活賊叁名此皆貴鎮訓練有素功績甚
偉本院俟優敘題

報外所請速發大兵本院會商柯昂邦章京先
後發滿洲披甲五百見在寧郡又於五月初

肆日夏梅勒親統滿洲烏金超哈大兵自省
起行星馳寧郡本院又嚴督杭紹二郡解運
米荳源源接濟一應進勦軍機悉聽貴鎮會
商田提督夏梅勒隨機調度非本院所能懸
揣但賊踪柒捌千號旣入小港惟有火攻可
以一鼓盡殲總祈貴鎮帷籌等因去後同日
又據巡海道李國棟報同前由等因本月初
玖日又准提督田雄塘報五月初肆日賊船

自江直進白沙離府城柴里其披甲賊徒於南岸連扎大營祇隔拾餘里水陸偪視人情洶洶又標下步卒一路疲乏纔陸續到齊因與固山大甲喇牛朶海道府廳商議賊勢充斥必須大創議將城池專聽海道府廳暨叅將王光前官兵率同紳矜百姓分門登守又崇委水師遊擊龔樹龐維正王裕民兼統綠旂官兵管護戰船又令中軍侯韶光千總張

成功等出放沿江大砲擊其船隻本提督會同固山大等擬親統披甲馬戰鳥鎗官兵先搗南岸賊營部勒人馬間據報賊船乘潮開出又報賊趁夜拔營望東退去初五日黎明復會同商議賊知郡兵將至故驟然退回必然併犯定海一面督發河南副將鄧汝功率領馬步過桃花渡由江北前進赴定救援一面督發滿漢馬步官兵由江東南岸分頭追

擊本日申時據標下千總于守印報稱隨同
鑲黃旂牛彙阿什兔正白旗分得撥什庫于
二鑲白旗分得撥什庫楊四等帶兵追至寶
幢育王嶺賊回頭對敵我兵乘高奮擊殺賊
貳百餘人得獲大刀拾把腰刀肆拾貳把長
鎗伍拾餘桿并藤牌滾被旂幟餘賊奔遁正
催兵追上遙見大隊屯扎要口不便越險隨
行收兵除陣擒重傷拾叁名俱就地斬訖其

藤牌旂幟長鎗當時追賊不能攜帶盡行焚
燬呈解活賊壹名林京并大刀腰刀聽候審
問又據標下遊擊徐景松報稱隨同鑲紅旂
牛彙章京觀音保率同正白旂下分得撥什
庫邊過里鑲藍旂阿喇哈分得撥什庫趙里
等帶甲百副卑職統領左右營千總張成功
王友功隨征千總黃文顯等馬兵五百名馳
至梅墟衙前一帶遇賊近萬齊來迎敵卑職

督同滿漢各官兵奮勇直前分頭衝擊殺賊
參百有餘賊勢潰散卑職等尚要窮追將得
獲大刀拾柴把腰刀陸拾五把留下其藤牌
槍械等項不便攜帶當時焚燬訖仍督兵再
上見小港一帶遍山帳房遍地是賊恐衆寡
不敵收兵回營查得臨陣帶傷官兵壹名任
得勝帶傷自備馬貳匹戍時又據河南鄧副
將報稱馳至清水浦殺死打糧賊不計活擒

重傷貳名就地斬訖留一名呈解各等情一
面會審活賊林京等口供聞得大兵來搗營
盤傳令趨暗退奔海口容易上船隨即梟示
外其得獲纏頭布滾被共壹百叁拾叁件併
刀俱會賞有功官兵訖因議賊衆扎住小港
尚徘徊觀望若不使重兵追逼必要乘隙再
來于初陸日五鼓添發滿漢馬步鳥鎗官兵
仍由江南星馳小港一帶相機驅擊外俟有

情形另行馳布等因到臣據此該臣看得海
逆統船柴捌千隻傾巢入犯寧郡水陸並進
勢甚猖獗臣偵探已確預移提督赴寧援勦
幸提督臣田雄一聞警報自台馳寧五日之
路統領標兵兩晝夜卽抵寧郡臣復會商昂
邦章京臣柯魁先後發滿洲烏金超哈披甲
五百副俱于海逆未犯之前先抵寧郡整禦
以待并飛檄寧郡鎮道將領等官協力堵勦

嚴督杭紹二郡解運糧料今准提鎮塘報稱
逆賊擁入定關直逼寧郡幸鎮臣常進功親
統官兵分頭堵勦齊發火砲于初肆伍兩日
打壞賊船沉死不計砍殺賊衆百餘提督臣
田雄會同固山大甲喇牛录并海道將領府
廳等官分汛扼守調發滿漢馬步官兵由江
東南岸分路追擊至寶幢育王嶺及梅墟衙
前清水浦等處陣殺賊衆五百有餘活擒正

法共拾柒名得獲大刀腰刀纏頭布滾被共
叁百壹拾餘件其藤牌鎗械等項俱經給賞
并焚燬訖雖我官兵堵勦尚未大殲賊衆然
賊烽已挫軍威頗振皆賴我

皇上天威滿漢協力鎮將用命之所致也合先具

疏

題報惟是賊衆自寧退出尚在定關耽耽窺伺
但梅勒臣夏景梅所統滿洲烏金超哈大兵

于五月初肆日自省起行約計初拾前可以
抵寧正及師期臣仍一面飛檄提鎮道將務
期一鼓蕩平以固海疆其有功各官另行查
明彙敘旣經塘報前來臣謹會同督臣趙國
祚昂邦章京臣柯魁按臣牟雲龍合詞具

題伏乞

勅下該部查核施行

順治拾陸年五月拾五日具

題

陳可為帝查抄敵酋

張外心

善果張章京自海賊游四不...

即乘舟為綠洲新卒...

賤一文...

外單...

于正月...

題為恭報滿漢官兵合師奮勦逆賊潰敗奔逃
仰慰

睿懷事順治拾陸年五月拾壹日准梅勒章京夏

景梅塘報內開屢准常水鎮塘報內云逆賊

擁衆聯艘窺犯定關馬步拾數萬賊艘柒捌

千于本月初壹日起至初陸日止逐日攻打

甚急等因到本梅勒于本月初肆日在省起

程星夜驟馳于初柒日未時抵寧隨會同提

督固山大甲喇等官確商機宜合師夾勦當
留固山大納助甲喇李成德鍾尚智統率甲
兵分城嚴守本梅勒于初捌日黎明同固山
大艾音達里甲喇佟浩年王大才領滿洲烏
金超哈官兵會合田提督由江東梅墟前進
密令烏金超哈正白旗牛录高尚舉滿洲鑲
黃旗把兔力提標隨征將官劉成虎往前偵
探賊衆數萬盤踞江南衙前山本梅勒鼓令

奮勇三路衝殺砍開木城恢克砲臺當有常
水鎮卽率副將鄧汝功等馬步官兵渡過南
岸與滿兵分頭追勦賊見官兵奮勇夾擊勢
難托足越山逃竄官兵尾追豈賊于小港面
預搭浮橋陸座逃奔過江賊見官兵追近將
浮橋拆斷賊擁水渰死不計奔往青嶼下船
我兵不能飛渡收兵回城理合塘報等因本
月拾貳日又准提督田雄塘報爲滿漢官兵

窮追獲捷逆賊潰遁上船事案照賊衆屯扎
小港衙前一帶徘徊觀望于初陸日五鼓添
發馬步鳥鎗官兵星馳驅擊隨據領兵滿漢
將領等官會報賊自砲臺衙前倚水靠山樹
立木城把絕要路兵寡不便輕進等情初柒
日午後幸夏梅勒抵寧本提督卽時面議親
去攻擊將城池交與固山大納助甲喇李成
德等並海道府廳督率紳矜百姓登陴守禦

仍令水師遊擊龔樹王裕民龐惟正等管護
戰船浮橋布置已定一面差員密約常水鎮
合師夾擊卽于初捌日黎明夏梅勒艾固山
大甲喇牛朶等各統披甲兵丁本提督統領
標下中軍叅將宿近薇右營遊擊魏朝選中
軍都守韓弘胤陳其棟山東副將談振德山
西叅將王光前本標隨征副將遊都守等官
李必忠李雲龍武揚許官李起龍王三畏張

應元王福龔天成馬成龍劉舜德張虎婁友
才王尚斌蕭啓榮劉恩張天威田有禾何九
衢田有豐田有芝鄭有德栢戶桂漢馬功李
士虎王良弼杜得功孫國寶馬化龍徐朗趙
虎來士戶龔天伏栢賽王國輔盛化陳炳崗
李應虎陳天柱錢忠吳士奇張永張國治徐
明田鳳金士保田春田有德田有培田有玉
楊守恩王應秋趙國棟杜成祥王友閻孝張

玉王惠劉相榮學程趙進孝領兵千把總李
應忠強士英張成功蔡福王友功李秉銓張
自成李成功梁玉張威張得盛李守義齊成
泰羅永功火器把總賴宗方應虎等馬步重
兵由江東梅墟前進會合先發標下左營遊
擊徐景松隨征將官劉成虎王澤洪千總于
守印等官兵至卯時直抵衙前賊見我兵湧
至賊隨棄木城上山逃奔我兵乘勢衝入奪

據砲臺當有水鎮卽率副將鄧汝功等馬步官兵渡過南岸與滿漢重兵合營分頭追趕賊越山逃竄官兵尾追豈賊于小港面預搭浮橋六座逃奔過江賊見官兵追近將橋拆斷忙遁不及我兵以鳥鎗弓矢一齊舉發落水淹死不計其數前賊由青嶼下船我兵不能飛渡隨收兵回營此一役也海逆鄭成功以拾數萬深入江東又乘潮駕船水陸並進

聲勢充斥人心洶湧旣欲唾手定海謀奪要口又欲甘心寧郡焚搶戰船官兵冒暑連日追擊始有退意然猶扎營小港衙前樹立木城希畧蟠踞今滿漢重兵與水鎮將士合力追擊淪死不計竟開船退泊懸海實仰仗

朝廷神武丕振貴撫院調度有方梅勒固山大等同心敵愾常水鎮合力追勦固山大納助甲喇李成德等彈壓郡城暨海道李副使寧波

府知府岳登科署鄞縣事通判譚啓運推官
蘇汝霖海道中軍梁得功等既率紳矜分門
博城守又辦芻糧多方接濟故得驅擊賊亦知
所畏忌矣至于本提督拮据勦禦分所應得
固不敢與將士頡頏也理合塘報等因准此
本月拾叁日准水師鎮常進功塘報內開逆
賊擁衆連舩窺犯定關馬步拾數萬賊艘柴
捌千于本月初壹日起至初陸日止每日水

陸挑戰本鎮親督副叅遊都守各官東堵西
勦拒敵堅守已經柒晝夜矣至初柒日薄暮
田提督差官密約本鎮視南岸兵馬一到卽
帶兵渡江水陸夾攻等語本鎮望至初捌日
卯時據馬撥報稱夏梅勒艾固山大甲喇牛
衆等各統滿洲披甲兵丁田提督統領滿漢
官兵將抵江南本鎮聞報諭令原派守城叅
將孫廷相台鎮標効用副將王良才本標聽

用將官劉澤遠定海知縣朱承命嚴協都司
董應元杭協千總丁應乾山西把總劉一光
王孝中營把總張友功張進孝城上管砲城
守營千總陳國明等各官固守城池并飛飭
防守招寶山城守遊擊呂士基督率城守中
軍守備苟天麒陸中營千總王學思金協千
總盧興元又帶領遊兵防護招寶山提標把
總張士用河南千總白進孝把總呂良圖等

嚴加堵禦又傳令堵守沿江大小道頭千總
李永吉把總楊龍帶領遊兵千總屈大壽把
總張顯貞各固汛守遇賊堵截本鎮一面飛
調副將鄧汝功官兵一面本鎮親率中軍屈
大法內標將官劉永勝守備楊得勝羅景時
羅景榮楊士成楊自泰常如琰吳虎李承印
張豹陳鼎王澤民陸中營署中軍守備王天
祿千總耿尚明撫標千總朱加印等統領馬

步官兵船隻由江北飛渡南岸賊卽迎頭堵
敵我兵奮勇衝開賊營砍壞木城乘勢奪克
砲臺隨與梅勒提督合營分頭擊勦賊見我
滿漢重兵不能抵敵越山潰敗本鎮鼓令官
兵奮勇追擊豈賊先于小港搭造浮橋六座
見我官兵狠追飛奔過江將橋拆斷我兵齊
發弓箭鳥鎗賊衆不及過橋落水渰死者不
計逆賊竟由青嶼下船官兵不能一時飛渡

隨收兵各回原汛本鎮復令貴標併各營千
把總朱加印等帶領官兵遍山沿江搜勦遺
逆隨將賊營備辦雲梯玖百餘張盡行焚燬
皇上又將沿江先經大砲打壞大小賊船貳拾餘
隻俱經燒燬訖皆仰仗

皇上威福貴院調度本鎮東勦西堵朝衝暮敵竭
力堅拒以遏狂氛分所當然固不敢自伐也
然而將士積勞有功文武人員并陸續得獲

器械數目俯俟查明彙報外合先塘報等因
各到臣據此該臣看得鄭逆自閩移巢圖住
皇上舟島專事寧定奪踞砲臺其來甚盛其鋒甚
銳鄭逆之伎倆已盡見于此矣幸賴我
皇上天威遠振滿漢將士合力用命于五月初肆
五等日水鎮臣常進功沿江堵勦打沉賊船
已挫其鋒提督臣田雄調發滿漢官兵分路
追擊殲馘獲械再褫其魄已經具疏

題報外乃賊目寧退出定關扎營小港衙前樹
造木城希圖久踞適奏梅勒章京臣夏景梅
自省起行飛馳抵寧會商提督臣田雄將城
守與戰船分交固山大甲喇諸臣以及道府
廳縣紳矜百姓并水師將領等官分汛畫守
以固根本密約水鎮臣常進功合師夾擊于
初捌日梅勒臣夏景梅提督臣田雄親統滿
漢各官兵直抵衙前三路衝殺賊卽遺棄木

城抱頭奔山我兵恢克砲臺水鎮臣常進功
渡過南岸與滿漢官兵分頭追擊乃賊于小
港預搭浮橋六座逃奔過江卽將浮橋拆斷
官兵鳥鎗弓矢齊發逆賊擁水渰死不計遂
由青嶼下船奔遁訖臣有以悉逆賊之情形
也賊之所恃不過船多人衆而江浙閩廣沿
海一帶幾及萬里彼無所不犯我無所不守
賊我之兵力聚則不少分則不多賊艘入犯蜂

屯蟻聚而來我之汛兵有限衆寡不敵於是
深入內地大則窺伺郡城小亦竊據縣衛彼
既有城可守於是抄掠四野追我援師雲集
賊又飽颺而去另犯一郡矣數年以來海疆
未靖職此故也第賊之所苦惟在糧食不足
而漳泉諸郡產米原少歷年兵燹衰殘尤甚
賊謀舍廈門遷舟山蓋以江浙爲產米之鄉
希肆其侵掠也所慮定關戰艦可以乘虛搗

巢是以悉衆入犯希圖窺伺城池實欲搶奪
戰船從此舟山遂爲老巢江浙一帶靡有寧
宇矣臣偵賊情甚確查寧波一府經制水陸
并調防之兵雖足控禦尤宜厚其兵力會商
昂邦梅勒諸臣先有烏金超哈披甲貳百副
協防寧郡于閏參月間續發滿洲披甲壹百
副于肆月貳拾壹日又發滿洲披甲貳百副
先抵寧郡整棚以待而塘報逆賊果于肆月

參拾及五月初壹等日入犯寧定幸提督臣
田雄一聞警報于肆月參拾日自台赴寧五
日之路兼程而進兩晝夜卽抵寧郡遂同水
鎮臣常進功并固山大甲喇諸員有初肆初
五兩日之捷梅勒臣夏景梅五月初肆日自
省起行戴星飛馳于初柒日抵寧遂同滿漢
諸臣有初捌日之捷據報擁水滄死不計陣
斬及生擒共五百有餘賊雖傾巢而來抱頭

而去不能肆其踞城掠野之圖矣此一役也
總督臣趙國祚籌畫遠到昂邦臣柯魁調度
中窾按臣牟雲龍申飭維嚴至於統領兵將
指揮驅勦披堅執銳身先士卒則皆梅勒臣
夏景梅提督臣田雄水鎮臣常進功三臣之
力而固山大甲喇牛彙諸員副將鄧汝功談
振德叅將宿近薇王光前以及遊都守千把
各官僇力行間殲馘奪械備列塘報均有勞

焉臣以偵探賊情調兵督餉皆臣分內之事
何敢稍分行間之功其寧定道府縣各官守
門辦餉似應併敘惟是賊旣潰遁或退扎舟
山或北犯崇明臣仍移文提鎮二臣申飭杭
嘉寧紹各道將偵探賊情嚴加防禦并移江
南督撫提鎮諸臣先期預備外其寧郡獲捷
逆賊潰遁合應恭

報以慰

睿懷臣謹會同督臣趙國祚昂邦章京臣柯魁按
臣牟雲龍合詞具

題伏祈

勅部查核議覆施行

順治拾陸年五月拾五日具

題

題爲恭報投誠僞帥仰祈

勅部從優敘用以彰鼓勵事順治拾陸年五月拾

玖日據分巡嘉湖兵備道僉事史燧呈稱案

查本年參月間奉臣憲稟仰道卽將發去告

示照式書數拾道轉發該府縣衛所沿海去

處張桂曉諭等因內開爲曉諭事照得我

朝定鼎原係用才于敵未有投誠叛命而拒絕勿

皇上納者也迨我

皇上親政以來更加推心置腹待以不次之階厚
賚文以茅土之錫卽如湖南之旅拒命最久一旦
來歸昇以王爵如海澄公僅舉一邑來歸遂
膺公爵此海內所共見而知幾識時之士不
待再計者也上年
王師南指黔滇率服從此車書一統宇內大定
陳時今之梗化者止海濱游魂耳當黔滇未定之
艱前

廟堂之經營圖度寰宇之兵力糧儲悉注之于湖
南是以渤海鯨鯢尚得遷延歲月也目今黔
滇既定畿省宴然直可弢弓臥矢不煩轉餉
輸糧而瀕海逋逃之輩倚檣櫓爲安居恃劫
掠爲生涯久稽
天討尚遂餘生不待智者而知其必無是理矣且
鄭逆作難以來已十餘載不過肆其詭謀煽
誘防弁僅襲閩之漳州浙之台寧耳我師旣

集望風遁去若夫竭其兵力僅能攻一衛城
一所城一縣城伎倆如是止矣從未有列營
整旅敢與大師衡行者也從賊中來者皆言
鄭逆驕恣偽將異心獨有一二叛弁自揣得
罪

朝廷惟恐來歸之後追咎前愆是以進退惟谷本
院開誠曉諭凡係投誠之衆本院奉有

勅諭如有偽將帥能統率兵丁船隻來歸者或擒

獲渠魁來歸者本院會同總督部院昂邦章
京合疏具

題諒其功績之大小以爲爵賞之厚薄至于原
係我

朝將領陷賊中者務要立功來歸或計擒叛首或
與我師訂期內外夾擊殲除賊衆則一舉而
功名可成帶礪可期不止湔洗前愆已也本
院所言不欺若再逗遛觀望誠恐

九重之上赫然震怒下不赦之令頒盡誅之檄本院封疆之臣惟有遵奉

綸音雖欲爲懷誠者請命不可得也合行曉諭等因奉卽照式大書頒發嘉興府平湖海鹽二縣及沿海衛所張挂曉諭去後本年五月初玖日辰時據平湖縣知縣金鍛報稱乍浦鎮總甲張禮俞川朱塘王揆等報稱本月初捌日辰牌時分有大水艍船貳隻并中號船叁

隻放砲叁個停泊西城角下談守備發兵在外等情據此擬合呈報等因隨爲塘報事初拾日辰時准協守嘉興遊擊郭光斗手本五月初捌日寅時據海鹽勅海廟瞭望兵丁張得勝朱良報稱瞭見外洋海船五隻往東北行使隨該本協親至海塘果見大小船五隻行使將近乍浦停泊一面隨差千總甘應科帶馬兵陸名馳至乍浦探察午時又據駐防

乍浦談宗道報稱本日寅時據天妃宮撥兵
馮虎等報稱外洋雙桅大船貳隻小船叁隻
自西往東行使等情卑職帶兵馳至天妃宮
等處督率防禦本日未時又據守備談宗道
報稱海船五隻已時泊對天妃宮卑職帶兵
放砲放箭彼船卽差人一名撥脚船渡岸據
稱投誠卽投寸函一封今將原書附呈伏乞
親臨裁奪等情本協開視內有紅單開國藩

前軍前旗都督馬龍拜又小啓開素切向化
歸路無門茲幸遇

清朝推心置人今率領船五隻及家眷兵丁前來
向化煩台翁遣一的員到敝舟商酌以便投
送公文等語本協隨發回書去後恐其狡謀
牽制一面派撥目兵一股馳備澈浦一股派
範海鹽隨卽親帶馬兵五拾名星馳前赴乍
浦觀其真偽情由另具馳報等因准此擬合

轉報等因于本日辰時復呈本撫院查核間
又准該協手本移稱切照五月初捌日午浦
停泊大小海船五隻并僞國藩都督馬龍投
誠來函回劄情由業經塘報外本協行至途
中接馬龍復書開稱有投呈一紙煩差貴員
往院投遞俟批廻以定進止但敝舟泊此
港內未免有浪祈爲指示泊船處所等語該
協籌思若候院示往返道路須二三日隨值

平湖金知縣至本協隨差家丁往船布告僞
都督馬龍卽登岸至天妃宮剃髮本協同金
知縣暨協標駐防守備談宗道相會本協詢
其海內情由據云大小船計叁千餘隻于定
關拔出齊至金塘山烈港國姓議事分付船
隻派作三宗起行僞提督甘輝領前國姓居
中僞總兵陳文達攔後先到松江地方取糧
然後攻取崇明馬龍于初柒日帶船五隻由

金塘山開至羊山進到乍浦帶領家眷及兵
丁男婦約壹百肆拾餘名口及隨船砲火器
械特來傾心投誠又云此地既無內港難以
藏泊船隻恐後有船追尋欲將坐到船五隻
燒燬滅跡本協與金知縣從長商酌船隻或
燬或折必須詳請院奪一面先將在船火砲
器械着令逐一盤進乍城隨將齎繳銅偽關
防一顆上鑄國藩前軍前鎮關防字樣并令

隨帶人衆盡皆剃髮仍卽備送袍帽與其更
換并辦猪羊酒慰勞一面吊取郡城唬船搬
其家眷兵丁暫付海鹽縣城外水次安頓統
候查明人口并砲火器械確數另冊開報等
因到道准此爲照方今海氛叵測僞都督馬
龍傾心向化率衆來歸皆憲院示諭所致也
海船五隻似宜燒燬以絕招搖投誠各丁願
歸農願入伍者似應分別發遣至海平二縣

激乍二浦俱係瀕海之區投誠家口應于何地安插統候裁示偽關防偽牌一面備移該協另文呈繳外相應請詳等因于本月拾壹日具詳本撫院奉批馬龍傾心向化具見識時之智有用之才聽候本院特疏具題請授官職該道協招徠有功亦應併敘其海船五隻若灣泊岸口惟恐逆賊瞭見致生窺伺或多撥兵役挽進內港或暫沉水底仍移

該協酌行其兵丁願歸農願充伍分別造冊報院以憑安插其親屬家口撥給船隻護送至省安插可也奉此除馬龍來船五隻已經移行該協并平湖縣悉將船上檣桅篷櫓一併拆卸拽入海口內河交發防官談宗道守管其船身于拾捌大潮之日拔入天妃宮隱僻之處一面備查家口數目去後今准該協手本移稱案照投誠偽都督馬龍詳奉佟撫

院批馬龍挈衆來歸聽候

題請授職仰差中軍官護送赴省以憑給賞親詢海上情形目今賊艦自南過北海汛正在戒嚴該將防汛爲重不必親來仍候

題敘可也業將院批移明貴道在案茲據馬龍開送所帶兵丁及船隻砲火器械冊籍前來隨該本協查得投誠官馬龍一員隨帶父母叔孀妻妾子女并使女共貳拾名口又兵妻

使女肆口其兵丁壹百壹拾叁名內葉甫德壹拾伍名願隨本官就地經營自食其力趙大德柒拾玖名願解散歸農顧福等拾玖名願食糧充伍其船隻水艍船貳隻雙篷船貳隻水底艍壹隻其軍火器械紅衣砲拾叁位銅百子砲肆拾伍門叁眼鎗烏鎗拾桿火藥肆拾貳桶連桶共重壹千捌百捌拾玖斤紅衣鍊彈壹千陸百陸拾叁出百子鍊彈壹百

捌拾貳桶連桶共重捌千捌百玖拾玖斤鍍
碎子壹百五桶連桶共重五千壹百玖拾斤
鍍盔肆拾貳頂鍍甲貳拾陸身鍍蔽手玖副
鍍裙玖條鍍遮窩拾肆副棉盔壹百柒頂棉
甲壹百身大刀捌把腰刀柒拾五口鋼叉貳
把弓叁拾壹張箭貳百肆拾伍枝火箭叁拾
枝藤牌柒拾貳面長鎗叁拾玖桿鎗桿肆拾
貳根偽令牌捌面督陣紅旗壹桿熟鍍條捌

百肆拾斤大鍍釘捌百捌拾斤業經差委中
軍守備鄭鈺護送馬龍并齋繳到銅偽關防
一顆偽令牌一張偽票一張投誠兵丁花名
冊船隻砲火器械冊一并詳候撫院憲裁定
奪等因并令馬龍投見前來本道仰體憲院
招徠加意優禮并贈送袍帽少旌歸誠外該
本道覆看得鄭逆沮兵狂逞屢厯

宵旰之憂偽前鎮都督馬龍率其家口徒衆船隻

器械率先歸順其向化之誠識時之智有足稱者伏祈具

題擢用不惟馬龍感激報効海上之投戈而至者不止一人矣投誠各兵已經查明造冊願歸農者應給照回籍願食糧者應收伍造支至軍火器械似應一併留營以壯軍威悉聽憲示遵行除嘉協標中軍守備鄭鈺率領馬龍至省謁見其家口另撥船隻人夫一併送

省安插等因到臣據此該臣會同昂邦章京臣柯魁于會議府傳馬龍進見公同給賞袍帽花紅表裏衣服其隨從兵丁俱賞花紅并撥空房安插家屬量給口糧供應繼又昂邦重加溫諭另賞袍帽座馬鞍鞞鼓舞外該臣看得臣于撫虔任內欽奉

勅諭事理廣出榜文曉諭今復奉命移浙因見黔滇底定車書一統稍有知識誰不

命外悔悟臣卽出示招徠去後乃于本年五月初
壹等日海逆鄭成功率其全隊擁犯定關仰
賴

皇上天威滿漢官兵協力用命有初肆初五兩日
之捷復有初捌日之捷賊鯨宵遁俱經題
報在案乃鄭逆恃賊艦之多乘南風之便自金
塘山起行謀犯蘇松海汛而僞都督馬龍係
鄭逆之前鎮也乃能募

皇上之德威感解網之

恩典揚帆乍浦挈衆來歸所帶家屬貳拾餘名口
兵丁壹百壹拾叁名戰船五隻砲火器械甚
多俱載冊內臣會同昂邦章京臣柯魁于會
議府從優給賞以示鼓勵臣復密詢海逆情
形賊中狡謀據其登答甚悉此實革心歸命
中無疑貳者也臣又密訪其父母妻妾子女
委係親屬見今安插省城臣聞自古用兵之

道以陸兵攻水賊則難以水賊攻水賊則易
海賊之在海也與波俱出與汨俱入如魚鱉
之不可數鳧雁之不可羈也而招其渠首使
相捕斬離其徒黨使相携貳是亦以海治海
之法也臣聞此中負固梗化者止逆首鄭成
功及叛弁馬信耳其餘僞帥皆與鄭逆離心
而馬龍之來歸亦知幾獨先者矣伏讀欽奉
勅諭如賊中僞官人等有能悔過投誠帶領船隻

兵丁家口來歸者察照數目分別破格陞擢
欽遵在案今馬龍之投誠正與

勅諭事理相符至于破格陞擢聽候部議非臣所

敢

請也嘉兵道僉事史燧嘉興遊擊郭光斗雖係馬
龍自投而二官捐貲急公應否併敘仍候部
議其所帶兵丁葉甫德等壹拾五名隨馬龍
安插省城顧福等壹拾玖名收伍食糧趙大

德等柒拾玖名發還原籍取收管回文軍火
器械留營備用除嘉兵道造報家口兵丁花
名并船隻砲火器械二冊咨送兵部查核僞
印僞牌送部查燬外臣謹會同督臣趙國祚
昂邦章京臣柯魁按臣牟雲龍合詞具

題伏乞

勅下該部覆議施行

順治拾陸年五月貳拾捌日具

題

發本

之

力

題爲塘報事順治拾陸年拾壹月初拾日准溫
州總兵尚好仁塘報內開節准貴院移飭各
標將領奮勇擊賊毋容海逆登岸狂逞屢據
平陽各汛報稱逆賊水陸窺犯本鎮隨會議
調發本標中軍遊擊梁有才暨督標都司苗
之秀統領各標馬步官兵於拾月貳拾陸日
馳赴瑞平偵探撲勦拾壹月初叁日辰時據
遊擊梁有才報稱卑職與同苗都司統領各

營兵馬於貳拾捌日因賊船阻截飛雲卽由
埤頭過江叁拾日巳時直抵沙園詎賊探知
官兵追勦乘夜砍樹結爲營盤又以口袋盛
土爲寨希圖持久遂驅馬騎貳拾餘缺甲貳
千有奇火兵貳千餘揚旂列陣前來卑職嚴
督各營兵馬分頭迎敵職統領本標千總李
世虎把總張成名黃武馬彪詹麒親丁王萬
倉陳一奇劉成等河南把總蔡如蕙等馬步

官兵卑職身先士卒飛向中股冲殺督標都
司苗之秀統率都司趙有功千總張士行史
大成邢三綱把總羅啓雄白啓龍周正學史
建忠李武揚趙子貴從左股馳殺又令晉營
守備周文昇衢標把總唐熙李思孝楊國勝
處標把總盛遇春從右股夾擊奮力砲矢齊
攻至未時賊勢大敗退據木柵營盤我兵乘
勝卑職與苗都司星督百總黃得勝吳泗李

冲曹蒲英郭志正王典徐虎張修業黃順伍
瑞徐世安王舜周天文衢標百總周奇吳天
壤黃見龍虞大相楊三等各奮不顧身疾呼
一躍砍透木柵踏破營盤逆賊拋戈潰敗官
兵努力砍殺屍橫遍地追抵江邊餘賊奔船
不及俱各落水淹死止剩水手空船開遁江
中我兵無船不能追趕陣斬首級貳百柒拾
貳顆陣獲銅紅衣砲貳位銅鍊馬蹄淨瓶砲

拾貳位偽關防壹顆木印壹顆高照旂肆桿
大旂貳拾肆桿小紅旂肆面馬柒匹鍊盔五
拾貳頂鍊甲肆拾肆身甲裙貳拾壹身皮盔
貳頂皮甲陸件棉甲貳件內布帳房貳拾壹
頂大刀叁拾叁把藤牌陸拾叁面腰刀貳拾
柒把長鎗貳百壹拾柒根狼筈壹百叁拾壹
根鳥鎗貳桿焚燬打壞則犁艚船叁隻雙篷
船貳隻水底艚肆隻杉板船壹拾叁隻馬叉

壹把鍊彈叁拾個百子砲貳門弓肆張活賊
林勝等捌名內據張朝貴供稱僞統領周姓
身帶重傷赴水生死未的等情其我兵前砲
傷死賊馬拾壹匹卽與各兵分食訖事關大
捷全勝理合一并解驗所獲馬匹暫留營中
應用俟回日另驗又銅紅衣砲大難以扛運
卽就近發平陽禦用陣前傷亡兵丁另開名
單具報又據瑞安叅將汪義報稱初壹日已

時沙園賊船俱開外洋向南去訖各等情到
鎮據此隨經會同吳固山大王甲喇章京暨
督標楊副將署道趙同知溫州府廳縣各官
會審得活賊林勝等柒名俱係長髮閩人身
帶重傷不便起解當卽正法訖又張朝貴壹
名據援防嚴協把總郭明稟係上年陸月內
被圍下海卽交與郭明收管候奪賊械旂刀
等項驗明點貯候奪是役也仰仗貴院威靈

震疊官兵奮勇用命致成大創使逆賊驚竄
再怖不敢游移圖逞於飛雲矣除備花紅銀
牌給賞有功官兵以示鼓勵外輕重傷亡兵
丁另單統俟優恤單開陣亡兵丁劉自成等
參名重傷兵丁張應選等貳拾貳名輕傷兵
丁姚德等參拾陸名擬合移報等因拾陸日
又據溫兵道護理篆務金華府同知趙世禎
塘報相同本月初拾日又據分巡紹台道僉

事楊三辰塘報內稱節奉憲飭勦撫兼施今
於拾月貳拾捌日申時准台協副將于國柱
山東調防副將張德俊會報海賊詭謀聲言
要犯太平等情本協隨于貳拾五日丑時親
統馬步官兵前詣太平卽撥馬步官兵四路
偵探得烏沙門地方離城三拾里扎有木城
山寨有海上偽總兵姓萬部賊貳參千餘在
地屯聚打糧等情密會張副將署縣事同知

荆鎮商酌勦賊機宜於貳拾陸日申時密撥
左營中軍守備歐陽功隨征官張柱等山東
營千總史維英等杭協標千總丁應乾等各
帶馬步官兵星赴烏沙門撲勦貳拾柒日五
鼓到地我兵卽分三股圍扎賊巢卽放砲攻
擊賊勢披靡急迫退守木城對壘相持飛報
前來本協卽會同張副將親督官兵冒險涉
水鼓勵我兵奮勇勦殺活擒逆賊五名賊婦

參口被銳打箭傷計死壹百餘名奔竄投崖
落水淹死約計捌百餘人及查僞總兵萬姓
不知其名亂軍中死活未定僞印見獲可據
打碎賊船叁隻賊衆擁躋爭船板翻壞船貳
隻隨將賊造木城及窩舖盡行燒燬備查陣
獲逆賊僞印壹顆僞票拾餘紙大斬馬刀叁
拾玖把銅銳捌門籐牌拾壹面帳房陸頂鉄
壯帽拾玖頂皮壯帽貳頂鐵甲壹件棉甲拾

伍件腰刀拾伍口參眼鎗肆桿鳥鎗貳桿大
高旄旂五面銅號頭壹箇弓玖張馬貳匹除
箭射死馬陸匹不解外其陣獲活賊伍名公
同審問當據陳貴供稱係江西人萬總兵下
催糧官又參月間襲犯太平就是這般人因
江寧敗回之後復到此處新造木城希圖存
身意欲糾兵再襲太平其木城尚造未完今
遇大兵攻破被獲再詢僞萬總兵果否存亡

據供此時各自逃生萬總兵生死不知的實
又據唐貴供稱係福州人與前供無異盧士
維供稱係靖江人陳使供稱係漳州人丁六
供稱係泉州人各等情賊婦參口鄉民玖名
查係本年閏參月太平被擄俱同海防荆同
知查明發放取有伊親領狀外獲牛捌隻亦
同海防官俱發太平原失主取有領狀存案
等因會報到道准此理合塘報等因又於拾

陸日據台州協守副總兵于國柱塘報同前
各到臣據此該臣看得海逆自江寧敗遁之
後鄭成功已經回閩仍留賊部黨羽分犯温
台等汛窺伺剽掠節據塘報督臣趙國祚會
疏

題報在案臣等嚴行申飭各汛勦禦今准温州
總兵尚好仁併據署温兵道事趙世禎塘報
於沙園地方陣斬首級貳百柒拾貳顆陣獲

銅紅衣袍并皮鍔棉盔甲鎗刀等項共肆百
餘件馬柒匹又據台兵道塘報於烏沙門地
方攻開木城殺賊壹百餘人陣獲銅銃棉鍔
甲刀鎗等項壹百餘件馬貳匹伏念將士戮
力行間實圖報效

朝廷臣若不行

題報則無以鼓行間之氣除在事各官功次聽
候新按臣入境之後查核明白另疏具

題外既經鎮道塘報前來臣謹會同督臣趙國祚合詞具

題伏乞

勅下該部查照施行

順治拾陸年拾壹月貳拾五日具

題

題爲塘報事貳月拾肆日據紹台兵巡道今戴罪住俸僉事楊三辰塘報開稱本月初柒日准山東調防副將張德俊報稱爲照海氛自江寧敗潰回南遣逆僞總兵劉有名等部衆盤踞石塘山每於沿海地方眈眈窺伺本營屢荷貴道并部撫梅勒提督總鎮行文督飭兼授方略今本月初叁日賊船壹拾貳隻停泊長沙本日巳時據隘頑所千把總蔣鸚卞

高塘報緊急軍機事備報到營轉報外本營
恐其登犯卽刻親督馬步官兵馳赴撲勦至
亭嶺地方又據本營探撥兵丁張應龍飛奔
前來報稱瞭得本日黎明有賊船壹拾貳隻
停泊長沙壹隻進攔塗岸正欲具報隨又瞭
有大小船貳拾叁隻乘風飛進與前船聯絡
見賊明盔亮甲紛紛登岸小的寫報不及特
來面報等情本營知賊勢重大一面策兵倍

道前進一面飛調留汛官兵夾擊仍着百總
劉見得李自得會同儒學龔瑛巡檢鄧之奇
分門保固城池外於午前卽集台標把總徐
輝紹標把總韓進祿各帶所部兵丁及署縣
丞事巡檢丁元樞帶沙角司弓兵典史楊茂
帶練兵烏鎗手未到長沙先於大黎地方見
賊貳千餘衆擠湧前來預令中軍守備張秉
璞把總魏聖忠台標內司把總吳從周左營

把總徐輝百總李奇春等領兵卽着縣丞丁元樞所帶司兵由郭魯小路抄尾賊營本營親督千總史維英部劄署守備張希堯隨征官席承方馬河圖李友得南國紀朱懷瑾龐奉龍王國棟張文秀把總史尚得百總周忠等馬步隊兵趙強等典史楊茂所帶烏鎗手分頭夾擊並中軍守備張秉璞所帶官兵三股首尾衝殺賊亦分兵三面迎敵相持自午

至申我兵勇力倍壯冒死砍入賊陣隨征官馬河圖當先手斬僞總兵劉有名並同在陣官兵殺死伍百餘賊活擒首從肆拾叁名賊遂披靡沿塗奪船奔命扳沉水底顛肆隻官兵追至拾餘里官魯地方逼溺下水死者難以計數陣獲銅百子銃叁門大砲伍位烏鎗肆捍大刷刀貳拾貳把腰刀拾貳把大旗拾伍捍小旗叁捍藤牌叁拾玖面弓肆張鉄盔

柒拾柒頂鉄甲柒拾壹身戰鼓貳面銅號頭
壹個棉甲玖身號布伍拾柒塊火箭壹桶時
回至長沙隘頑千把官蔣鶚卞高領兵至本
營仍親詣登岸又督蔣鶚等焚燒大水船賊
船壹隻是役也幸收全勝均賴各憲方略有
此壹舉惟傷兵丁楊化豹中箭千總史維英
中箭隨征官馬河圖輕重陣傷兵丁共叁拾
壹名陣斃馬貳匹重傷拾叁匹見在醫治此

皆本營統兵擒斬奪獲全收凱捷之情形也
除將生擒賊犯及陣獲盔甲銃砲刀鎗旂幟
等項批差中軍守備張秉璞押解張總鎮軍
前候請會奪外爲此備用塘報并造前項開
銷并臨陣用去官給自備箭矢火藥鉛子文
冊各一本希卽會奪施行等因到道准此案
照寇踪飄突台海本道是正月貳拾伍日奉
檄回台料理汛守遵經嚴檄督飭該汛協將

去後今自本月初叁日賊踪登犯太境大黎
長沙等地副將張德俊親率本標并貼防官
兵前赴撲勦情形并同台鎮協塘報前來節
經轉報在案今准該將移解陣獲活賊并死
賊首級與同盛甲砲器鎗刀旂幟等項一面
會同夏梅勒張台鎮及文武各官卽於本日
公同審驗明確將陣擒活賊正法訖仍備銀
花銀牌蟒段紅布給賞有功與同用過官箭

藥彈及各官兵功次核寔另文詳報等因又
准台州總兵官張承恩塘報相同等因到臣
據此該臣看得海逆自舟山率踪南遁屢窺
台温各汛臣據各屬塘報節次嚴行各鎮道
將督飭官兵加謹勦禦先是台道楊三辰在
寧監理船工督臣趙國祚因賊踪南遁卽調
該道回台料理今逆賊僞總兵劉有名等果
於貳月初叁日大踪登犯太平縣長沙大黎

等處而副將張德俊統率官兵奮勇勦禦陣
斬劉有名等伍百餘賊生擒肆拾叁人併陣
獲砲甲器械俱有確數其陣傷千總史維英
隨征官馬河圖并兵丁楊化豹等叁拾壹名
俱應分別恤賚至在事功次合請

勅下新按臣查明另疏具

題以彰鼓勵可也據經該道鎮塘報前來臣謹
會同督臣趙國祚合詞具

題伏乞

勅部查議施行

順治拾柒年貳月拾陸日具

題

獸

獸

獸

獸



